

澂江府志卷之十二

祠祀 壇廟 俗祀 塚墓附

祀典之制匪祈則報凡以為民也我

朝御宇德洽神人

制詔天下郡縣崇祀先師孔子而凡正祀之世及者如之澂江自文廟而外山川有祀社稷有祀城隍有祀國厲有祀推而至於名宦鄉賢有勞定國以死勤事為民捍患禦災壇壝所在春秋裸獻無或怨恫以作神羞其有非類之祀者則釐正之至前賢塚墓碑碣可考神理昭如表而志之

澂江府志

卷之三

祠祀

庶不至與北邙蒿里同湮沒也志祠祀

壇廟 俗祀附

澂江府 河陽縣 附郭

先農壇 在城東門外

社稷壇 在城南門外

風雲雷雨山川壇 在城西門外

郡厲壇 在城北門外

城隍廟 在城東康熙五十二年通判尹湯聘捐修一在舊城迎春日起春於此一在陽宗城東門

文昌宮 一在城東一在鳳翔寺後殿之右康熙四十一

年建乾隆十九年重修事載碑文一在陽宗城

西浦龍泉廟 在蟠龍岡麓季春初辰日太守率屬致祭

東浦龍泉廟 在關摩山麓季春月邑人祀無虛日康熙戊戌知府柳正芳題額曰利澤無疆

關帝廟 在城東門一在陽宗城

東嶽廟 在東南陽輔山下萬曆二十八年郡人張彬建一在城內東北隅

龍王廟 在城南十五里撫仙湖岸

五穀廟 在城西十二里六月朔六日神誕

八蠟神祠 在城東半里

魁星閣 在城東南隅雍正十三年知府來鳴謙捐建相傳鳴鐘於東以制虎山也餘有二一在五靈廟一在

右所小營一在陽宗嘉慶四年新建

澂江府志 卷之三 壇廟

河神廟 在黃家營東南隅嘉慶間士民公建

萬壽宮 乾隆三十九年公建於舞鳳山麓

土地祠 在府署內

名宦祠

鄉賢祠 在學宮內康熙四十年知府黃元治重建

忠孝祠

節孝祠 在學宮明倫堂內

關索廟 在城西北二十里東關上

武鄉侯祠 在華山彌勒閣右

倉聖祠

在城西北舊縣學宮址康熙四十一年知府黃元治改建嘉慶十二年學政譚光祥重建中層祀漢

興亭侯李恢地震地道
光十五年士庶重建

土主廟

在城西北隅鄉村俱各建祀一在陽宗城西門外皆靈驗

五靈廟

在城北一里九月二十八日神誕官民偕祭祈禱常有靈應

龍青廟

在城西北八里寶花寺前竹木陰翳有泉湧出可以灌溉高阜田畝六月望日往祭謝龍今圯

白井娘娘廟

在城北里許泉出色白二月初二日祭

九子娘娘廟

在城東北一里舞鳳山右翼二月初二日神誕祭祈嗣多靈驗云一名翠竹庵

晏公廟

在城東南象鼻嶺之左

財神廟

在城北門內

澂江府志

卷之三

壇廟

三

老君廟

在城東門外道光二十一年建

懷德祠

在城西門內祀明知府徐可久劉懋武程子侃三公

江川縣

先農壇 在城東門外

社稷壇 在縣東南旭彩門外

風雲雷雨山川壇 在縣北慶雲門外

厲祭壇 在縣北慶雲門外

城隍廟 在縣北康熙二十九年知縣高拱星捐建

土地祠 在縣署內

文昌閣 一在學宮右嘉慶四年新建一在舊城學宮右

魁星閣 在舊城學宮前康熙五十五年知縣張鐘重修

澂江府志

卷之三

壇廟

四

東嶽廟 在縣治北

關帝廟 在古城縣治舊址一在本城南門內一在左衛

名宦祠

鄉賢祠 立在學宮後

忠孝祠

節孝祠 立在學宮外

龍驤將軍關侯廟 在關嶺成化八年有虎為患太監錢能鑄神作獲虎狀因新其廟嘉靖三十二

年兵憲蔣宗魯改建

老君廟 在左衛舊址

太子廟 在縣西十里

土主廟 在古城西康熙六年建舊傳明洪武初平西侯沐英征交趾至此迷路見有緋衣白馬者馳驟而過

英麾騎從之乃得路及戰陣上忽現五色雲雲中聞鼓角戈騎聲遂捷迨凱旋問海門居民僉曰飛入蟠坤仙

洞去矣因入洞得一石人首肖像祀之後有漁者舉網得物覆以蘋藻置水中再四不溺去蘋藻視之冠像巍

峩非金非石漁者異之鳴於有司以聞遂加帝號立廟云

蟠坤古廟 在蟠坤洞初廟久廢一日廢址上有馬蹄迹大如椀次日愈多土人復為建廟蓋土主即其神也

螺浮廟 在螺浮山傍星雲湖邊山頂平圓如月有七小山環之昔人取為七星拱月之象上有高阜若雙龍

互相環抱故名雙龍每臨風登眺湖光萬頃巒翠千重士人多讀書會文於此

潯江府志

卷之三

壇廟

新興州

先農壇 在上邑村

社稷壇 在州西半里中古城

風雲雷雨山川壇 在州南一里武侯祠北

厲祭壇 在北郊

城隍廟 一在治西明成化十一年知州馬琛修宏治十六年知州鄧駿增修 本朝乾隆十三年知州徐正

恩補修一 在普舍城

文昌宮 一在城西關丙康熙五十一年知州在中宜建嘉慶五年重修一在普舍城一在研和東山一在州

北二十里北山

魁星閣 一在文廟左康熙五十一年知州任中宜建乾隆十三年知州徐正恩增修一在文廟右乾隆四十四年知州蔣繼勳捐建

關帝廟 一在城西關外嘉慶二十四年知州寶善重修一在普舍城一在研和城

武侯廟 原在城南一里下邑村明嘉靖間知州楊杰建本朝嘉慶十二年知州洪其照移建迎薰橋北

東嶽廟 在治東明宏治十六年知州鄧駿重修

龍王廟 一在州十五里黑龍潭二月十八日祭一在州西北十七里九龍池二月十九日祭一在州東北二十五里白龍潭

三月初一日祭

名宦祠

鄉賢祠 竝在學宮內

澂江府志

卷之三

壇廟

六

節孝祠 在學宮外

景賢祠 在學宮後

土主廟 在州北十里土主屯主西北及東方水利歲自元日至二月望日城鄉以次迎賽西南不及水利者

不祭官司於二月初八日迎祭於十五日安神 舊傳明黔國公征麓川神顯靈贊功重構華宇題噴陀囉哆

大德尊者木主至今存云一在研和

五靈廟 在治東東嶽廟內

馬王廟 在治東北

關索廟 一在州東南三里一在州北二十七里事載通志

三官廟 在團山

聖母廟在州治東

元壇廟在州治東南

張仙祠在州治西北隅

惠風樓在北古城南關外嘉慶四年建巡撫初彭齡有惠政民立生祠祀之

羊神廟在武侯祠左

白馬廟在城西北十三里大莊神乃女像相傳與土主不見面居人迎土主過廟輒風雨疾疫從山後行

三姑廟在團山

澱江府志 卷之三 壇廟

路南州

先農壇在城東關外

社稷壇在州城西

風雲雷雨山川壇在州城西

厲祭壇在州城北

文昌宮在文廟右明萬曆二十六年知州鍾應麟建本朝乾隆二年知州寇增修嘉慶九年監生李如

桐重修

魁星閣在文廟案山雍正四年知州杜思賢建乾隆四十六年知州徐圖南重建

關帝廟在州南門外乾隆四十四年署州王彝象重修嘉慶十一年署州會禮增修

城隍廟 在州治內北門

龍神祠 一在城東北十里一

東嶽廟 一在城東北十里一

西嶽廟 一在城南板橋一在城北團潭

名宦祠

鄉賢祠 竝在學宮內明萬曆二十五年知州鍾應麟建 本朝雍正四年署州杜思賢修嘉慶十年重修

忠義祠

節孝祠 竝在學宮外雍正四年署州杜思賢建嘉慶十年知州會禮儒學王顯相倪端重修

諸葛樓 在州西關

澂江府志

卷之三 壇廟

土主廟 在州北民和鄉

白龍祠 在州北東北治

五顯廟 在州東一里東山

虛凝祠 在州東數里黑龍潭乾隆二十年知州史進爵嘉慶二十四年署州李端元重修

鄒公祠 在州西祀明嘉靖時知州鄒國璽後崇禎時知州唐登第立像附祀

會公祠 在武廟右嘉慶十一年署知州會禮濬會通河二丈餘丈民德之立祠以祀後移建於西關外

文昌閣 一在城南二十里版橋一在城東五里大村韓名侯捐修

塚墓

河陽縣

蜀漢

漢興亭侯李恢墓 在城西五里山石碑尚存

元

元右丞相桎喇墓 在關摩山半切有墓碑

臨安路總管段文瑞墓 原在迴龍山後遷重珠山

明

監察御史董雲漢墓 在城北五靈廟左塚墓

澂江府志

卷之三

九

監察御史王昭墓 左南山洪武間流

本朝

吏部左侍郎趙士麟墓 左城北五里塔浮山麓康熙三十八年奉

旨遣官

諭祭文載藝文

巡撫偏沅右副都御史李發甲墓 在陽宗下鄉新莊山麓康熙五十七年奉

旨遣官

諭祭文載藝文

廣西梧州府知府郭聯奎墓 在城西北十五里五支山麓

北城兵馬司正指揮郭其觀墓 在城西北十五里五支山麓

山西太原府知府郭晉墓 在省城東二十里呼馬山旁青龍村後

廣東黃岡同知郭際清墓

在省城西北二十五里石寶庵旁里許

刑部山東清吏司郎中楊仲增墓

在城北四十里羅藏山金蓮寺後

湖南永順府古文坪同知李之祥墓

在城北三里如是庵後

江南道監察御史謝清問墓

在京都

安徽徽州府知府李瑾墓

在湖南長沙縣白沙井上

欽賜國子監司業苗世溥墓

在城北里許舞鳳山麓

庶吉士趙宸輔墓

在城北樹村中

前庶吉士李應綬墓

在省城東北大馬村後麥西

通政使段如蕙墓

在江南揚州府儀徵縣城北

澱江府志

卷之三

塚墓

刑部主事施介曾墓

在省城南門外五里多

江川縣

宋

丁連然君墓

在雙龍三十里北山上覆巨石有耕者坐於上石忽動耕者驚異起視之上勒丁連然君

神道遂豎於前衛龍岡寺前按宋史太宗時有交趾王

丁連然來朝疑即其人按東漢時昆明有連然縣或仕其地之令長沒以邑稱其人亦未可定

元

千戶李先基墓

在縣北

明

楊福卿墓

元末福卿為梁王擢把本郡事以能稱子白與白旺方幼洪武十四年傳友德藍玉取雲南父

澂江府志

卷之十一

塚墓

十一

子相失福卿走死沅江興旺為永昌侯掠入京明太祖奇之援為近侍歷官都監左監丞永樂元年賜姓白奉使雲南訪建文密為保護後自沅江函父骨葬於江川洛左村置守塚墓二家而去碑銘今在

江西左叅政侯必登墓

在玉屏山前

欽賜進士都勻府知府楊整綱墓

在相見山右

烈女蔡姑墓

在雙龍鄉前衛後

本朝遵義守備忠武功將軍顧世臣墓

陣歿尋獲無獲今存其衣別墓二在雙龍鄉清水地祖堂存者

刑部主事楊思榮墓

在牛摩鄉萬松山麓

庶吉士許湘墓

在牛摩鄉萬松山麓

吏部主事楊凝陽墓

在牛摩鄉萬松山麓

普洱鎮右營游擊顧璽墓

距會城東南十里在石虎崗之東二里涼亭新塋

新興州

明

梁誥墓 在州東南學山廣東人嘉靖中知澂江府

蔡寅墓 在州西北十二里官村閩人

張尹志墓 在州南梁王壩後

孝子王珪墓 在州西十三里黑村山

劉君顧墓 在州東六里栗園知新興州有惠聲卒於楚雄州人思之移柩葬此

袁朝寵墓 在州西五里馬家屯陝西人新興吏日明未擾攘卒葬於此

連理墓 一樹張烈女墓在州東北二十里白塔山永豐山下

澂江府志

卷之三

塚墓

十一

樹連理樵者析之復長如故

禮部尙書雷躍龍墓 在州南梁王壩

此墓據西平志

本朝

吏科給諫管灝墓 在州城外四十里昆陽州界鐵鎖山麓

路南州

元

武德將軍開里伯墓

在紫玉山

明

贈光祿寺卿楊以成墓

在竹子山下

澱江府志

卷之三

塚墓

十三